

## ORTHODOXIS LECTORIBUS.

## ΜΙΚΡΟΠΡΟΔΟΤΙΟΝ.

**R**em Sacramentariam, a pluribus fufe lateque nimis, ab aliis Laconico stylo pertractatam, media inter utrosque via incedere volentes, in his dogmatico-polemicis prælectionibus vobis legere proponimus, nec dubiam spem concipimus, ut, quemadmodum nihil jucundius, nihil antiquius Catholica Fide habetis, sic prælectiones istas amore & benevolentia summa excipiat; res enim Sacramentaria, de qua in his prælectionibus agitur, non solum ad confirmandam fidem, non solum ad mentem erudiendam; verum ad componendos quoque mores aptissima, a Catholico Viro jure meritoque exigere videtur majus in legendo studium, & intensiorem in acceptando benignitatem.

De excellentia autem rerum, quæ in hoc Opusculo pertractantur, pluribus differere superfluum ducimus; excellentia enim est, ut illa major in nostra Christiana Religione haberi sane non possit. Sacramenta enim sunt opera Christi Domini, qui est nostræ Religionis Auctor; & ea quidem supernaturalis ordinis, ad quem divinus Institutor elevavit, ut nobis per ipsa gratiæ suæ thesauros erogaret.

„ Vasa quædam sunt, inquit *Angelicus Doctor S. Thomas in Prologo lib. IV. sent.* „ vasa quædam sunt, Christi sanguinem continentia, scaturiginem spiritualis aquæ in vitam æternam salientis, ac demum fontes illi Salvatoris ab

„ Isaia Propheta, his verbis prænuntiati: *Haurietis aquas*